

Član 5.

(Korištenje prostora)

Javnoj ustanovi povjerava se na korištenje Galerijski prostor "Collegium artisticum", u ulici Terezije bb, Sarajevo;

Član 6.

(Preuzimanje poslova, zaposlenika, opreme, arhive i sredstava za rad)

- (1) Javna ustanova preuzima sve poslove, te zaposlenike zatečene na preuzetim poslovima, opremu, arhivu, sredstva za rad i finansijska sredstva, kao i sva prava i obaveze ranije organizacione jedinice "Collegium artisticum", Sarajevo.
- (2) Oprema, arhiva i sredstva za rad iz stava (1) ovog člana imovina su Kantona Sarajevo.

Član 7.

(Djelatnost)

- (1) Djelatnost Javne ustanove obuhvata:
 - 18.11 Štampanje novina
 - 18.12 Ostalo štampanje
 - 18.13 Usluge pripreme za štampu i objavljivanje
 - 18.14 Knjigoveške i srodne usluge
 - 18.20 Umnožavanje snimljenih zapisa
 - 58.11 Izdavanje knjiga
 - 58.14 Izdavanje časopisa i periodičnih publikacija
 - 58.19 Ostala izdavačka djelatnost
 - 59.14 Djelatnosti prikazivanja filmova
 - 59.20 Djelatnost snimanja zvučnih zapisa i izdavanje muzičkih zapisa
 - 74.90 Ostale stručne, naučne i tehničke djelatnosti, d.n.
 - 79.90 Ostale rezervacijske usluge i djelatnosti u vezi s njima
 - 85.59 Ostalo obrazovanje i podučavanje
 - 90.01 Izvodačka umjetnost
 - 90.02 Pomoćne djelatnosti u izvodačkoj umjetnosti
 - 90.03 Umjetničko stvaralaštvo
 - 90.04 Rad umjetničkih objekata
 - 91.01 Djelatnost biblioteka i arhiva
 - 91.02 Djelatnost muzeja.
- (2) Javna ustanova vrši i:
 - a) pružanje usluga u vanjsko-trgovinskom prometu u oblasti registrovane djelatnosti,
 - b) prezentaciju i unapređenje likovnih i primijenjenih umjetnosti i arhitekture (djelatnosti slobodnih umjetnika, kao što su slikari, kipari, grafičari, dizajneri, arhitekti).

Član 8.

(Proširenje ili promjena djelatnosti)

- (1) Javna ustanova ne može promijeniti djelatnost iz člana 7. ove odluke, bez saglasnosti osnivača.
- (2) Djelatnost Javne ustanove iz člana 7. ove odluke može se proširiti ili promijeniti.
- (3) Odluku o proširenju ili promjeni djelatnosti donosi Skupština na prijedlog Vlade.

Član 9.

(Pravni i drugi poslovi)

Javna ustanova ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 10.

(Sredstva za rad)

Izvori sredstava za rad Javne ustanove su:

- a) sredstva osnivača,
- b) od naplate ulaznica,
- c) iz naknada za obavljanje intelektualnih i drugih usluga,
- d) iz legata, poklona, donacija, zavještanja i iz drugih izvora.

Na osnovu člana 12. tačka c) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 14., a u vezi čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), člana 6. stav (1) Zakona o pozorišnoj djelatnosti ("Službene novine Kantona Sarajevo", broj 42/13-Prečišćeni tekst i 6/16), čl. 13. i 14. Zakona o muzejskoj djelatnosti ("Službene novine Kantona Sarajevo", broj 13/17) i Pravilnika o uslovima za osnivanje i početak rada muzeja, muzejskih zbirki, muzejskih izložbi i galerija ("Službene novine Kantona Sarajevo", broj 24/00), Skupština Kantona Sarajevo, na sjednici održanoj dana 31.10.2017. godine, donijela je

ODLUKU

**O IZDVAJANJU ORGANIZACIONE JEDINICE
"COLLEGIUM ARTISTICUM" IZ JAVNE USTANOVE
"CENTAR ZA KULTURU KANTONA SARAJEVO"
U SAMOSTALNU JAVNU USTANOVU**

Član 1.

(Predmet odluke)

Ovom odlukom uređuje se izdvajanje organizacione jedinice "Collegium artisticum" iz Javne ustanove "Centar za kulturu Kantona Sarajevo" u samostalnu javnu ustanovu "Collegium artisticum", Sarajevo.

Član 2.

(Osnivačka prava i Organizacija Javne ustanove)

- (1) Kanton Sarajevo (u daljnjem tekstu: Kanton) zadržava osnivačka prava nad Javnom ustanovom "Collegium artisticum", Sarajevo koja nastavlja rad kao javna ustanova u svojini Kantona nastala izdvajanjem iz Javne ustanove iz člana 1. ove odluke.
- (2) Prava i dužnosti osnivača obavljaće Ministarstvo kulture i sporta Kantona Sarajevo (u daljnjem tekstu: Ministarstvo) i Vlada Kantona Sarajevo (u daljnjem tekstu: Vlada), svako u okviru svojih nadležnosti.
- (3) Pravilima i Pravilnikom o unutrašnjoj organizaciji i sistematizaciji Javne ustanove "Collegium artisticum", Sarajevo bliže će se urediti organizacija Javne ustanove, te sistematizovani poslovi i zadaci u Javnoj ustanovi.

Član 3.

(Naziv, sjedište i pečat Javne ustanove)

- (1) Naziv Javne ustanove je "Collegium artisticum", Sarajevo (u daljnjem tekstu: Javna ustanova). Skraćeni naziv Javne ustanove je: "Collegium artisticum".
- (2) Sjedište Javne ustanove je u Sarajevu, ulica Terezije bb.
- (3) Naziv i sjedište Javne ustanove iz st. (1) i (2) ovog člana može se promijeniti.
- (4) Odluku o promjeni naziva i sjedišta Javne ustanove donosi Skupština Kantona Sarajevo (u daljnjem tekstu: Skupština) na prijedlog Vlade.
- (5) Javna ustanova ima štamбил četvrtastog oblika, te mali i veliki pečat okruglog oblika, čija sadržina se uređuje Pravilima Javne ustanove u skladu sa ovom odlukom i Zakonom o pečatu Kantona Sarajevo ("Službene novine Kantona Sarajevo", br. 3/09 - Prečišćeni tekst i 36/15).

Član 4.

(Svojstvo pravnog lica)

Javna ustanova ima svojstvo pravnog lica.

Član 11.

(Saglasnost na opšte akte)

Vlada daje saglasnost na Pravila, Pravilnik o unutrašnjoj organizaciji i sistematizaciji, planove rada i razvoja i godišnji program rada Javne ustanove.

Član 12.

(Međusobna prava i obaveze)

Pitanja prava i obaveza između osnivača i Javne ustanove koja nisu regulisana ovom odlukom, utvrdit će se ugovorom.

Član 13.

(Organ upravljanja)

- (1) Organ upravljanja u Javnoj ustanovi je Upravni odbor.
- (2) Upravni odbor ima pet članova.
- (3) Jedna trećina članova Upravnog odbora po pravilu imenuje se iz reda stručnih kadrova zaposlenih u Javnoj ustanovi.
- (4) Predsjednika i članove Upravnog odbora imenuje i razrješava Vlada.

Član 14.

(Organ rukovođenja)

- (1) Organ rukovođenja u Javnoj ustanovi je direktor.
- (2) Direktora Javne ustanove imenuje Upravni odbor na osnovu konkursa koji se objavljuje u javnim glasilima, uz saglasnost Vlade.
- (3) Direktor Javne ustanove ne može biti član Upravnog odbora.
- (4) Direktor Javne ustanove ovlašten je da predstavlja i zastupa javnu ustanovu u okviru registrovane djelatnosti.
- (5) Do imenovanja organa rukovođenja, Javnu ustanovu će privremeno predstavljati i zastupati Edin Kukavica, direktor Javne ustanove "Centar za kulturu Kantona Sarajevo" sa svim pravima i odgovornostima direktora.

Član 15.

(Organ kontrole poslovanja)

- (1) Organ kontrole poslovanja u Javnoj ustanovi je Nadzorni odbor.
- (2) Nadzorni odbor ima tri člana.
- (3) Predsjednika i članove Nadzornog odbora imenuje i razrješava Vlada.
- (4) Najmanje jedan član Nadzornog odbora imenuje se iz reda stručnih radnika zaposlenih u Javnoj ustanovi.

Član 16.

(Stručni organi - umjetnički savjeti)

Stručni organ u Javnoj ustanovi je Umjetnički savjet za djelatnosti kojima se ustanova bavi, čija prava, obaveze i odgovornosti se bliže uređuju Pravilima Javne ustanove.

Član 17.

(Imenovanja i razrješenja)

- (1) Vlada će razriješiti, direktora, predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:
 - a) ako utvrdi da je odgovoran za neuspješan ili nezakonit rad Javne ustanove,
 - b) ako je Javna ustanova poslovala sa gubitkom dvije godine uzastopno,
 - c) na njegov lični zahtjev,
 - d) ako Skupština ne usvoji godišnji izvještaj o radu i finansijskom poslovanju Javne ustanove,
 - e) ako Javna ustanova nije racionalno raspolagala sredstvima ili u drugim slučajevima utvrđenim zakonom i pravilima Javne ustanove.
- (2) Procedura usvajanja izvještaja o radu i finansijskom poslovanju Javne ustanove, posljedice mogućeg neusvajanja navedenih akata, kao i postupak i način razrješenja, direktora, predsjednika i članova Upravnog i Nadzornog odbora, precizirat će se Pravilima Javne ustanove.

Član 18.

(Ostvarivanje radnih prava)

Radnici Javne ustanove ostvaruju prava u skladu sa zakonom, kolektivnim ugovorom, pravilima i drugim općim aktima Javne ustanove.

Član 19.

(Finansijsko poslovanje)

Finansijsko poslovanje Javne ustanove vrši se u skladu sa propisima koji regulišu trezorsko poslovanje.

Član 20.

(Rok za donošenje općih akata)

- (1) U roku od 30 dana od dana donošenja ove odluke, Vlada će imenovati vd Upravni odbor i vd Nadzorni odbor Javne ustanove.
- (2) Upravni odbor Javne ustanove donijet će pravila, akt o unutrašnjoj organizaciji i druga akta u roku od 60 dana od dana njegovog imenovanja.

Član 21.

(Izvještaj o radu i poslovanju)

- (1) Upravni, odnosno Nadzorni odbor obavezan je da Ministarstvu redovno dostavlja zapisnike sa održanih sjednica Upravnog, odnosno Nadzornog odbora, a izvještaj o radu godišnje.
- (2) Godišnji izvještaj o radu sadrži: izvještaj o izvršenju godišnjeg programa rada, izvještaj o radu direktora, izvještaj o radu Upravnog odbora, izvještaj o radu Nadzornog odbora, izvještaj o radu Umjetničkog savjeta, izvještaj o finansijskom poslovanju javne ustanove.

Član 22.

(Nadzor nad zakonitosti rada)

Nadzor nad zakonitosti rada Javne ustanove vrši Ministarstvo.

Član 23.

(Prijava u sudski registar)

- (1) Ovlašćuje se Predsjedavajuća Skupštine da u ime Osnivača potpiše osnivački akt i sve isprave potrebne za osnivanje Javne ustanove, kao i sve isprave za koje je u skladu sa važećim zakonskim propisima neophodna notarska obrada.
- (2) Javna ustanova "Collegium artisticum", Sarajevo, obavezna je da u roku od 30 dana od dana stupanja na snagu ove odluke podnese prijavu radi upisa Javne ustanove u sudski registar koji se vodi kod Kantonalnog suda u Sarajevu.
- (3) Do sticanja svojstva pravnog lica Javne ustanove "Collegium artisticum Sarajevo", zaposlenici svoja prava iz radnog odnosa i po osnovu rada nastavljaju ostvarivati u Javnoj ustanovi "Centar za kulturu Kantona Sarajevo".

Član 24.

(Potpuna i supsidijarna odgovornost)

- (1) Za svoje obaveze Javna ustanova odgovara svom svojom imovinom - potpuna odgovornost.
- (2) Osnivač Javne ustanove supsidijarno je odgovoran za obaveze Javne ustanove.

Član 25.

(Početak rada Javne ustanove)

Javna ustanova stiče svojstvo pravnog lica i počinje sa radom danom upisa u sudski registar.

Član 26.

(Stupanje na snagu Odluke)

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-32182/17
31. oktobra 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.